

Ո Ր Ո Շ ՈՒ Մ N 1395/1
/վարչական տույժ նշանակելու մասին/

«14» հոկտեմբեր 2022թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետի ժամանակավոր պաշտոնակատար Աղասի Աղայանս, քննելով Արմենակ Ասոյանի (անձը հաստ. փաստ.՝ 000485870, հասցե՝ ՀՀ, ք. Երևան, Էրեբունի, Տիգրան Մեծի փ., 54 շ., 39 բն.) նկատմամբ սկսված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«Յան Լոջիստիքս» ՍՊ ընկերության անվամբ (միջոցով) թիվ 05100033/050522/0016601 տարանցման հայտարարագրով Բագրատաշենի մաքսային կետ-բաժին անցակետով ՀՀ տարածք է ներմուծվել Արմենակ Ասոյանին (առ. 25.04.22թ խմբաքանակ, առաքանի՝ 4045420923375) պատկանող ապրանքներ, որոնք 05.05.2022 թվականին հանձնվել է մաքսային մարմինների ժամանակավոր պահպանությանը, սակայն մինչև ժամանակավոր պահպանության ժամկետի լրանալը ապրանքների վերաբերյալ մաքսային հայտարարագիրը մաքսային մարմնին չի ներկայացվել:

ՀՀ ՊԵԿ Արարատյան մաքսատուն-վարչության բացթողնման բաժնի գլխավոր մաքսային տեսուչի կողմից 22.09.2022 թվականին մաքսային կանոնները խախտած անձի՝ Արմենակ Ասոյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 194-րդ հոդվածի հատկանիշներով:

Մաքսային կանոնների խախտման վերաբերյալ գործի քննությունը նշանակվել է 14.10.2022 թվականին ժամը 11:00-ին և սահմանված կարգի համաձայն՝ փոստի միջոցով Արմենակ Ասոյանը հրավիրվել է գործի քննությանը, սակայն բացակայել է: Արմենակ Ասոյանի բացակայելը արգելք չէ գործը քննելու համար:

ԵԱՏՄ մաքսային օրենսգրքի 101-րդ հոդվածի 1-ին մասի համաձայն՝ ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն Օրենսգրքի սույն հոդվածի 2-րդ կետում և 259-րդ հոդվածում նշված դեպքերի:

Նույն օրենսգրքի 110-րդ հոդվածի 1-ին մասի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն իրականացնելու համար ապրանքների և տրանսպորտային միջոցների վերաբերյալ անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50,000 դրամի չափով:

Այսպիսով, մաքսային կանոնների խախտման գործի վարույթի նյութերով հիմնավորվում է, որ Արմենակ Ասոյանը սահմանված ժամկետում Բագրատաշենի մաքսային կետ-բաժին անցակետով թիվ 05100033/050522/0016601 տարանցման հայտարարագրով ՀՀ տարածք ներմուծված (առ. 25.04.22թ խմբաքանակ, առաքանի՝ 4045420923375) ապրանքների համար մաքսային հայտարարագիր չի ներկայացրել, ինչի արդյունքում թույլ է տվել ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 194-րդ հոդվածով, 218-րդ հոդվածով 1 կետով, 219-րդ հոդվածով, 221-րդ հոդվածի 1 կետի ա) ենթակետով և ՎԻՎ ՀՀ օրենսգրքի 234 հոդվածով՝


Ո Ր Ո Շ Ե Ց Ի

1. ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում կատարելու համար Արմենակ Ասոյանի նկատմամբ նշանակել **տուգանք՝ 50.000 ՀՀ դրամի չափով:**

2. Որոշման մասին հայտնել Արմենակ Ասոյանին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն նույն օրենսգրքի 222-րդ հոդվածի 2-րդ մասի՝ որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

3. Որոշմամբ նշանակված **տուգանքի վճարման հաշվեհամարն է 900005024055-ը** (ՀՀ պետական բյուջե, կենտրոնական գանձապետարան, Արարատյան մաքսատուն-վարչություն, ԿՈԴ 27):

ԱՐԱՐԱՏՅԱՆ ՄԱՔՍԱՏՈՒՆ-ՎԱՐՉՈՒԹՅԱՆ
ՊԵՏԻ ԺԱՄԱՆԱԿԱՎՈՐ ՊԱՇՏՈՆԱԿԱՏԱՐ



ԱՂԱՍԻ ԱՂԱՅԱՆ